

四庫全書

集部

欽定四庫全書

集部

古詩紀卷

七十九  
八十

詳校官檢討臣德生

侍讀臣孫球覆勘

總校官知縣臣楊懋珩

校對官編修臣吳裕德

謄錄監生臣范光謙

欽定四庫全書

古詩紀卷七十九

明 馮惟訥 撰

梁第六

簡文帝

三

登城北望

登樓傳昔賦出薊表前聞灞陵忽回首河隄徒望軍茲  
馬聊迴眺極目香難分一水斜開岸雙城遙共雲

登琴臺

蕪階

一作陌

踐昔徑復想鳴琴遊音容萬春罷高名千載

留弱枝生古樹舊石染新流由來遞相歎逝川終不收

餞別

行樂出南皮讌餞臨華池籜解篁開節花暗鳥迷枝窻  
陰隨影度水色帶風移徒命銜杯酒終成憫別離

送別

行行異沂海

一作海沂

依依別路歧水苔隨纜聚岸柳拂舟

垂石菌生懸葉江槎流卧枝燭盡悲宵去酒滿惜將離

晚景出行

本集作美人

細樹含殘影春閨散晚香  
輕花髮邊墮微汗粉中光  
飛鳧初罷曲啼鳥忽度行  
羞令白日暮車騎藹相望

春閨情

楊柳葉纖纖佳人懶織纈  
正衣還向鏡迎春試捲簾  
摘梅多繞樹覓燕好窺簷  
只言逐花草計較應非嫌

詠美人觀畫

殿上圖神女宮裏出佳人  
可憐俱是畫誰能辨偽真  
分

明淨眉眼一種細腰身所可特為異長有好精神

詠人棄妾

昔時嬌玉步含羞花燭邊豈言心愛斷銜啼私自憐常

類作但

見歡成怨非關醜易妍獨鵲罷中路孤鸞死鏡前

美人晨粧

玉臺作簡文藝文類聚作昭明非是

北窻向朝鏡錦帳復斜縈嬌羞不肯出猶言妝未成散  
黛隨眉廣臙脂逐臉生試將持出衆定得可憐名

和林下妓應令

初學記作昭明

炎光向夕歛促宴臨前池泉將影相得花與面相宜管  
聲長鳥哢舞袂寫風枝歡樂不知醉千秋長若斯

夜聽妓

合歡蠲忿葉萱草忘憂條何如明月夜流風拂舞腰朱

唇隨吹盡

玉臺作動

玉釧逐絃搖留賓惜殘

一作別

弄負態動

餘嬌

擬落日窓中坐

杏梁斜日照餘暉映美人開函脫寶釧向鏡理紈巾游

魚動池葉舞鶴散階塵空嗟千歲久願得及陽春

雪裏覓梅花

絕訝梅花晚爭來雪裏窺下枝低可見高處遠難知俱  
羞惜腕露相讓到腰羸定須還剪綵學作兩三枝

山齋

玲瓏繞竹澗間闌通槿藩缺岸新成浦危石久為門北  
榮下飛挂南柯吟夜猿暮流澄錦磧晨冰照彩鸞

晚日後堂



幔陰通碧砌日影度城隅岸柳垂長葉牕桃落細跗花  
留蛺蝶粉竹翳蜻蜓珠賞心無與共染翰獨踟躕

望月

流輝入畫堂初照上梅梁形同七子鏡影類九秋霜桂  
花那不落團扇與誰粧空聞北窻彈未舉西園觴

開齋

景落商飈靖煙開四郊謐偃蹇暮山虹遊揚峯下日水  
紋城上動城樓水中出竟微共治功空卧淮陽秩

同劉詒議詠春雪

曉霰飛銀礫浮雲暗未開入池消不積因風墮復來思  
婦流黃素溫姬玉鏡臺看花言可折一作定自非春梅

雪朝

同雲凝暮序嚴陰屯廣隰落梅飛四注翻雲舞三襲實  
斷望如連恒分似相及已觀池影亂復視簾珠濕

詠煙

浮空覆雜影含露密花藤乍如洛霞發頗似巫雲登映

光飛百仞從風散九層欲持翡翠色時吐鯨魚燈

春日

年還樂應滿春歸思復生桃含可憐紫柳發斷腸青落  
花隨燕入游絲帶蝶驚邯鄲歌管地見許欲留情

玄圃納涼

登山想劍閣逗浦憶辰陽飛流如凍雨夜月似秋霜螢  
翻競晚熱蟲思引秋涼鳴波如礙石閣草別蘭香

薄晚逐涼北樓廻望

平衢望如掌曾雉暖相連斷雲留去日長山減半天戲  
鳧乘浪下漁舟冒浪前

闕

秋夜

高秋

一作  
盲風

度幽谷墜露下芳枝綠潭倒雲氣青山銜月

規花心風上轉葉影樹中移

一作  
危

外遊獨千里夕嘆誰

共知

七夕

秋期此時泱長夜徙河靈紫煙凌鳳羽紅光隨玉輶洛

陽疑劍氣成都怪客星  
天梭織來久方逢  
今夜停

九日賦韻

是節協陽數高秋氣已精  
簷芝逐月啓帷風  
依夜清遠  
燭承歌黛斜橋聞履聲  
梁塵下未息共愛賞心并

賦得橋

浮梁既衝嶮通波信可陵  
乘空寫渭石跨岸擬河  
水斜  
闌隱濁霧布影入清澗  
方知歌綠水無待榜蒼鷹

春日看梅花

昨日看梅樹新花已自生  
今旦聞春鳥何啻兩三聲  
凍解池開淥雲穿天半晴  
遊心不應動為此欲逢迎

和相東王陽雲樓簷柳

暖暖陽雲臺春柳發新梅  
柳枝無極軟春風隨意來  
潭澆青帷閉玲瓏朱扇開  
佳人有所望車聲非是雷

初桃

初桃麗新采照地吐其芳  
枝間留紫燕葉裏發輕香  
飛花入露井交榦拂華堂  
若快窻前柳懸疑紅粉妝

詠橘

萎蕤映庭樹枝葉凌秋芳故條雜新實金翠共含霜攀  
枝折縹榦甘旨若瓊漿無假存雕飾玉盤余自嘗

香茅

銅律與鳴琴俱稱類君子豈若江淮間發葉超衆美珍  
同自牧歸茅因彙征起豈獨邁秦蘅方知蔑沅芷

繫馬

青驪沈赭汗綠地懸花蹄未垂青鞵尾猶掛紫障泥蹠

足絆中憤搖頭捱上嘶紫闕如未息直去取榆溪

賦得舞鶴

來自芝田遠飛度武溪深振迅依吳市差池逐晉琴奇

一作寄

聲傳迴澗動翅拂花林欲知情外物伊洛有清潯

登板橋詠洲中獨鶴

遠霧旦氛氳單飛纔可分孤鷺宿一作思嶼浦羈唳下江

濱意惑東西水心迷四面雲誰知獨辛苦江上念離羣

聽早蟬



草歇鶻鳴初，蟬思花落後。  
乍飲三危露，時蔭五官柳。  
莊書晒鵬翼，衛賦宜螭首。  
桂樹可淹留，勿謂山中久。

詠蛺蝶

空園暮煙起，逍遙獨未歸。  
翠鬣藏高柳，紅蓮拂水衣。  
復此從風蝶，雙雙花上飛。  
寄與相知者，同心終莫違。

詠螢

本將秋草并，今與夕風輕。  
騰空類星竇，拂樹若花生。  
屏疑神火照，簾似夜珠明。  
逢君拾光彩，不恡此身傾。

詠筆格

英華表玉笈佳麗稱蛛網無如茲制奇雕飾雜衆象仰  
出寫含花橫抽學仙掌幸因提拾用遂厠璇臺賞

詠鏡

四一作銖恒在側誰言覽鏡稀如水不見水似扇長含

輝全開玳瑁匣併卷織成衣腕入相如手疑言趙璧歸

正月八日燃燈詩應令

廣弘明集不載名  
氏禪藻集作箇文

藕樹交無極花雲衣數重織竹能為象縛荻巧成龍落

灰然葢盛垂油濕畫峯天宮倘若見燈王願可逢

和蕭東陽祀七里廟

萬里實幽宗三神亦天構豈謂木石精斯乃山川守遠  
來太白旗遥徵青鳥候以茲敬弗怠方知教應富

賦詠五陰識枝詩

澆淳混神因心形復依色欲浪逐情飄愛網隨心織鑄  
金雖改狀斬籌方未極鵠觀既無辯猿攀此焉息

和湘東王三韻二首

春宵

花樹含春叢羅帳夜長空風聲隨篠韻月色與池同綵  
牋徒自襞無信往雲中

冬曉

冬朝日照梁含怨下前牀帷寒竹葉帶鏡轉菱花光會  
是無人見何用早紅粧

詠晚閨

玉臺舊本次春閨  
情後題云又三韻

珠簾向暮下妖姿不可追花風暗裏覺蘭燭帳中飛何

時玉窻裏夜夜更縫衣

曉思

玉臺作  
蕭紀

晨禽爭學囀朝花亂欲開  
爐煙入斗帳屏風隱鏡臺  
紅粧幾盡淚蕩子何當來

同庾肩吾四詠二首

玉臺舊本作簡文帝藝文  
作昭明按肩吾為簡文宮

臣當以玉  
臺為正

蓮舟買荷度

採蓮前岸隈舟子屢徘徊  
荷披衣可識風疎香不來  
欲

知船度處當看荷葉開

照流看落釵

相隨照綠水意是重涼風流  
搖粧影壞釵落髮花空佳  
期在何許徒傷心不同

賦樂名得瑩篌

振遲初挑吹弄急時催舞  
釧響逐絃鳴衫回半障柱欲  
知心不平君看黛眉聚

春日

花開幾千葉水覆數重衣蝶颺縈空舞燕作同心飛歌  
妖弄曲罷鄭女挾琴歸

賦得入階雨

細雨階前入灑砌復沾帷漬花枝覺重濕鳥羽飛遲儻  
令斜日照併欲似遊絲

詠柳

垂陰滿上路結草早知春花絮時隨鳥風枝屢拂塵欲  
散依依采時要歌吹人

詠芙蓉

圓花一蒂卷交葉半心開影前光照耀香裏蝶徘徊  
欣隨玉露點不逐秋風催

詠梔子花

素華偏可憇的的半臨池疑為霜裏葉復類雪封枝  
日斜光隱見風還影合離闕

賦得薔薇

石榴珊瑚藥木槿懸星葩豈如茲草麗逢春始發花  
迴



風舒紫萼照日吐新芽

闕

仰和衛尉新渝侯巡城口號

庾肩吾玉符同賦

帝京風雨中層闕煙霞浮玉署清餘熱金城含暮秋水  
觀凌却敵槐影帶重樓

闕

臨後園

隱淪遊少海神仙入太華我有逍遙趣中園復可嘉千  
株同落葉百丈共尋霞

闕

雨後

散綵與山氣忽合復俄晴  
雷音稍入嶺電影尚連城  
雨餘雲稍薄風收熱復生

闕

和會三教

和武帝

聚沫多緣假標空非色香  
漢君雖起夢晉后徒降祥  
玄機昔未辨洞鑿資我皇

闕

侍講詩

物善渥深慈監撫宣王事  
英邁八解心高超七花意

登錦堂

詩彙作鮑照者非

孫生酸棗寺王子技江樓何如登石鏡因閒猶豫遊

夜遊北園

星芒侵嶺樹月暈隱城樓暗花舒不覺明波動見流

遊韋黃門園

息車冠蓋里停轡仲長園簷踈遠興積賓至羽觴繁

入溆浦

泛水入迴塘空枝度日光竹垂懸掃浪鳧疑遠避檣

罷丹陽郡往與吏民別

金少...  
卷七十九  
久歸從事麥非留故吏錢柳栽今尚在棠陰君詎憐

示晉陵弟

零雨岐路悲送歸臨水節時事雖為舛離憂等閒別  
夜望浮圖上相輪絕句

光中辯垂鳳霧裏見飛鸞定用方諸水持添承露盤

愁閨照鏡

別來顛顛久他人怪容色只有匣中鏡還持自相識

金閨思二首

遊子久不返妾身當何依日移孤影動羞覩燕雙飛  
自君之別矣不復染膏脂南風送歸雁聊以寄相思

寒閨

綠葉朝朝黃紅顏日日異譬喻持相比那堪不愁思

從頓還城南

暫別兩成疑開簾生舊憶都知未有情更似新相識  
夜遣內人還後舟

錦幔扶船列蘭橈拂浪浮去燭猶文水餘香尚滿舟

贈麗人

腰肢本猶絕眉眼特驚人判自無相比還來有洛神

遙望

散誕垂紅帔斜柯挿玉簪可憐無有比恣許直千金

行雨

本是巫山來無人覩容色唯有楚王臣曾言夢相識

和人渡水

婉婉新上頭湔裙出樂遊帶前結香草鬟邊挿石榴

雜咏

被空眠數覺寒重夜風吹羅帷非海水那得度前知

詠武陵王左右

玉臺云詠武陵王左右伍髡傳杯

頂分如兩髻簪長驗上頭投杯如欲轉疑殘已復留

彈箏

彈箏北窻下夜響清音愁張高絃易斷心傷曲不道

梁塵

依帷蒙重翠帶日聚輕紅定為歌聲起非闌團扇風

遊人

遊戲長楊苑  
攜手雲臺間  
歡樂未窮已  
白日下西山

詠朝日

團團出天外  
煜煜上層峯  
光隨浪高下  
影逐樹輕濃

望月

今夜月光來  
正上相思臺  
可憐無遠近  
光照悉徘徊

華月

兔絲生雲夜  
蛾影出漢時  
欲傳千里意  
不照十年悲



詠雲

浮雲舒五色瑪瑙應霜天  
玉葉散秋影金風飄紫煙

浮雲

可憐片雲生暫重復還輕  
欲思襄王夢應過白帝城

大同九年秋七月

高樓闌左扇迴望依蘭枕  
晚風颺颺來落照參差好

詠薔薇

燕來枝益軟風飄花轉光  
氤氳不肯去還來階上香

檉

凌寒競貞節負雪固難虧  
無慚雲母桂詎減珊瑚枝

詠疏楓

姜綠映葭青疏紅分浪白  
花葉灑行舟仍持送遠客

詠藤

纖條寄喬木弱影掣風斜  
標春抽曉翠出霧掛懸花

詠飛來鷓鴣

飛從何處來似出上林隈  
口銜長生葉翅染昆明苔

詠單鳧

銜苔入淺水刷羽向沙洲孤飛本欲去得影更淹留

詠寒鳧

迴水浮輕浪沙場弄羽衣耿耿隨山沒離離傍海飛

新燕

英華作昭  
明者非

新禽應節歸俱向翠樓飛入簾驚釧響來窻礙舞衣

蜂

逐風從泛漾照日乍依微知君不留眄銜花空自飛

詠籠燈絕句

動焰翠帷裏散影羅帳前  
花心生復落明銷君詎憐

賦得白羽扇

可憐白羽扇却暑復來氛  
終無顧庶子誰為一揮軍

詠獨舞

因羞強正釵顧影時迴袂  
非闕善留客更是嬌夫婿

詠舞

嬌情因曲動弱步逐風吹  
懸釵隨舞落飛袖拂鬟垂

七夕穿針

憐從帳裏出想見夜窻開針欸疑月暗縷散怪風來

石橋

惠子臨濠上秦王見海神寫虹便欲飲圖星逼似真

壞橋

虹飛亘林際星度斷山隅斜梁懸水跡畫柱脫輕朱

水中樓影

水底果魚出萍間反宇浮風生色不壞浪去影恒留

和湘東王後園迴文詩

拔雲間石峯脉水浸山岸池清戲鵲聚樹秋飛葉散

詠雪

顛倒  
使韻

鹽飛亂蝶舞花落飄粉匝匝粉飄落花舞蝶亂飛鹽

登山馬

元帝  
同賦

登山馬

一本疊問  
樹二字

間樹識金裝草合宜鞞短影轉見鞭

長何殊八公岫暫上淮南王

和湘東王古意詠燭

花中燭似將人意同憶啼流膝上燭焰落花中

倡樓怨節 六言

朝日斜來照戶春鳥爭飛出林片光片影皆麗一聲一  
轉煎心上林紛紛花落淇水漠漠苔浮年馳節流易盡  
何為忍憶含羞

和蕭侍中子顯春別四首

子顯詩別見  
以下七言

別觀葡萄帶實垂江南菖菘生連枝無情無意猶如此  
有心有恨徒別離

可憐淮水去來潮  
春堤楊柳拂河橋  
淚痕未燥詎終朝  
行聞玉佩已相要

桃紅李白若朝粧  
羞持顛顚比新芳  
不惜暫住

一作往

君

前死愁無西國更生香

蜘蛛作絲滿帳中  
芳草結葉當行路  
紅臉脉脉一生啼  
黃鳥飛飛有時度  
故人雖故昔經新  
新人雖新復應故

藝文作江總閨怨  
詩玉臺作簡文

夜望單飛鴈



天霜河白夜星稀  
一雁聲嘶何處歸  
早知半路應相失  
不如從來本獨飛

應令

見藝文  
遊覽部

蠡浦急兮川路長  
白雲重兮出帝鄉  
平原忽兮遠極目  
江甸阻兮羈心傷  
樹廬岳兮高且峻  
瞻派水兮去泱泱  
遠煙生兮含山勢  
風散花兮傳馨香  
臨清波兮望石鏡  
瞻鶴嶺兮睇仙莊  
望邦畿兮千里曠  
悲遙夜兮九迴腸  
顧龍樓兮不可見  
徒送目兮淚沾裳

擬古

亦見昭明集玉臺作  
簡文 以下雜言

窺紅對鏡斂雙眉  
含愁拭淚坐相思  
念人一去許多時  
眼語笑靨迎來情  
心懷心想甚分明  
憶人不忍語含恨  
獨吞聲

春情

蝶黃花紫燕相追  
揚低柳合露塵飛  
已見垂鈎挂綠樹  
誠知淇水沾羅衣  
兩童夾車問不已  
五馬城南猶未歸  
鶯啼春欲駛  
無為空掩扉

傷離新體

新一  
作雜

傷離復傷離別後情懣紆悽悽隱去掉憫憫愴還途感  
感意不申轉顧獨沾襟前驅經御宿後騎歷河漚胡香  
翼還幟清笳送後塵落日斜飛蓋餘暉承畫輪柳影長  
橫路槐枝深隱人桂宮夕淹銅龍扉甲館宵垂雲母幃  
朧朧月色上的的夜螢飛草香襲余袂露灑沾人衣帶  
堞凌城雲亂聚排枝度葉鳥爭歸益中浮一作綠蟻不能  
酌琴間玉徽調別鶴別鶴千里別離聲絃調軫急心自

驚試起登南樓還向華池遊前時篠生今欲合近日栽  
荷尚不抽猶是銜杯共賞處今茲對此獨生愁登樓望  
嶢嶢山川自分態偃師雖北連轅轅已南背遠聽寂無  
聞遙瞻目有闕含毫意不迷長嘆憶無賴

被幽述志詩

五言

廣弘明集曰梁簡文於幽繫中援筆自序云有梁  
正士蘭陵蕭綱立身行已終始若一風雨如晦難  
鳴不已非欺暗室豈沈三  
光數至於此命也如何

恍忽煙霞散颼颼松栢陰幽山白楊古野路黃塵深終

無千月命安用九丹金闕里長蕪沒蒼天空照心十月  
於

永福省年四十九  
崩時太清五年也

欽定四庫全書

古詩紀  
卷七十九

三十一

古詩紀卷七十九

欽定四庫全書

古詩紀卷八十

明 馮惟訥 撰

梁第七

元帝

諱緡字世誠武帝第七子也初封湘東王為會稽太守入為侍中丹陽尹出為使持節都督荆

州刺史鎮西將軍侯景反逆遣王僧辯討誅之遂即位於江陵西魏見伐兵敗出降為梁王答所害

樂府

長歌行

以下  
五言

當壚擅旨酒一卮堪十千無勞蜀山鑄扶受一作采金

投

錢人生行樂爾何處不留連朝為洛生詠夕作據梧眠  
從茲忘物我優游得自然

芳樹

芬芳君子樹交柯御宿園桂影含秋月桃花染春源落  
英逐風聚輕香帶葢翻叢枝臨北閣灌木隱南軒交讓  
良宜重成蹊何用言

巫山高

巫山高不窮迥出荆門中灘聲下濺石猿鳴上逐風樹



雜山如畫林暗澗疑空無因謝神女一為出房攏

隴頭水

銜悲別隴頭關路漫悠悠故鄉迷遠近征人分去留沙  
飛曉成幕海氣旦如樓欲識秦川處隴水向東流

折楊柳

巫山巫峽長垂柳復垂楊同心且同折故人懷故鄉山  
似蓮花艷流如明月光寒夜猿聲徹遊子淚霑裳

關山月

一作傷別離

朝望清波道夜上白登臺月中含桂樹流影自徘徊寒  
沙逐風起春花犯雪開夜長無與晤衣單誰為裁

洛陽道

洛陽開大道城北達城西青槐隨幔拂綠柳逐風低玉  
珂鳴戰馬金爪鬪場雞桑萎日行暮多逢秦氏妻

長安道

西接長楸道南望小平津飛甍臨綺翼輕軒影畫輪雕  
鞍承赭汗槐路起紅塵燕姬雜趙女淹留重上春

紫騮馬

長安美少年，金絡鐵連錢。  
宛轉青絲鞵，照耀珊瑚鞭。  
依槐復依柳，蹀躞復隨前。  
方逐幽并去，西北共聯翩。

驄馬驅

朔方寒氣重，胡關饒苦霧。  
白雪晝凝山，黃雲宿埋樹。  
連翩行役子，終朝征馬驅。  
叶都故切試上金微山，還看玉關路。

劉生

任俠有劉生，然諾重西京。  
扶風好驚坐，長安恒借名。  
榴

花聊夜飲竹葉解朝醒  
結交李都尉  
遨遊佳麗城

飛來雙白鶴

紫蓋學仙成  
能令吳市傾  
逐舞隨疎節  
聞琴應別聲  
集田遥赴影  
隔霧近相鳴  
時從洛浦渡  
飛向遼東城

班婕妤

婕妤初選入  
含媚向羅幃  
何言飛燕寵  
青苔生玉墀  
誰知同輦愛  
遂作裂紈詩  
以茲自傷苦  
終無長信悲

半路溪

玉臺作  
簡文帝

相逢半路溪隔溪猶不度望望判知是翩翩識行步摘  
贈蘭澤芳欲表同心句先將動舊情恐君疑妾妬

採蓮曲

碧玉小家女來嫁汝南王蓮花亂臉色荷葉雜衣香因  
持薦君子願襲芙蓉裳

吳趨行

水裏生葱翅池心恒欲飛蓮花逐牀返何時乘舸歸

燕歌行

以下  
七言

燕趙佳人本自多，遼東少婦學春歌。  
黃龍戍北花如錦，

玄菟城前

一作南

月似蛾如何。此時別夫壻，金羈翠眊往。

交河還聞入漢去，燕營怨妾愁心百恨生。  
漫漫悠悠天

未曉，遥遥夜夜聽寒更。自從異縣同心別，  
偏恨同時成

異節橫波滿臉萬行啼，翠眉暫斂千重結。  
並海連天合

不開，那堪春日。上春臺乍見，遠舟如落葉。  
復看遥舸似

行杯，沙汀夜鶴嘯羈雌。妾心無趣坐傷離，  
翻嗟漢使音

塵斷空傷賤妾燕南陸

烏棲曲四首

樂府又有幄中清酒濃黛輕紅二首亦作元帝玉臺云蕭子顯詩也

沙棠作船桂為楫夜渡江南採蓮葉復值西施新浣沙

共向江干眺月華

玉臺作共汎江干瞻月華

月華似璧星如珮流影澄明玉堂內邯鄲九枝朝始成

金卮玉盃共君傾

交龍成錦鬪鳳紋芙蓉為帶石榴裙日下城南兩相望

月沒參橫掩羅帳

七彩隋珠九華玉蛺蝶為歌明星曲蘭房椒閣夜方開

那知步步香風逐

詩

登隄望水

以下  
五言

驅馬河隄上非謂城隅遊懷山殊未已徒然勞九愁  
旅泊依村樹江槎擁戍樓高岸翻成浦曲港反通舟棗野  
良知歎瓠河今可儔願假宣尼道一作術泗水却橫流

赴荊州泊三江口

藝文作行經  
巴陵部伍

涉江望行旅金鉦間綵旂水際含天色虹光入浪浮柳



條恒拂岸花氣盡薰舟叢林多故社單戍有危樓疊鼓  
隨朱鷺長簫應紫韶蓮舟夾羽斝畫舸覆緹油榜歌殊  
未息於此泛安流

藩難未靜述懷

玉節威雲夢金鉦韻渚宮霜戈臨塹白日羽映流紅算  
醪結猛將芳餌引羣雄箭擁淇園竹劍聚若溪銅亟覩  
周王駿多逢鮑氏驄謀出河南賈威寄隴西馮溪雲連  
陣合却月半山空樓前飄密柳井上落踈桐差營逢靈

雨立壘挂長虹

和王僧辯從軍

樂府作  
從軍行

寶劍飾龍淵長虹畫彩旃山虛和鏡管水淨寫樓船連  
鷄隨火度燧象帶烽然洞庭晚風急瀟湘夜月圓荀令  
多文藻臨戎賦雅篇

和劉尚書兼明堂齋宮詩

質明攝上宰詰旦乘軺軒四圭邸蒼玉六變舞雲門香  
浮鬱金酒煙繞鳳凰樽貂冕交輝映珩珮自相喧微風

颺清管輕雨發陳根  
新花臨御陌春色起天園  
河間獻樂語斯道媿能論

和劉尚書侍五明集詩

藝文作和劉尚書侍講

帝德洽區宇垂衣彰太平  
黃唐慙懋懋實子姒慙嘉聲  
治家陳五禮功成奏六英  
汲引留宸鑒舟航動睿情  
法王唯一法無生信不生  
因因從此見果果自斯明  
元良仰副后含一震鴻名龜  
藏踰啓筮魯史冠春卿日宮  
佳氣滿月殿善風清綺錢  
蔽西觀緹幔卷南榮金門  
練朝鼓

玉壺休夜更宮槐留曉合城烏侵曙鳴露光枝上宿霞  
影水中輕虛薄今何事徒知戀法城

和鮑常侍龍川館

珍臺接間館迢遞山之旁多解三真術俱善四明方玉  
題書仙篆金榜燭神光桂影侵檐進藤枝繞檻長苔衣  
隨溜轉梅氣入風香

登顏園故閣

高樓三五夜流影入丹墀先時留上客夫壻美容姿粧

成理蟬鬢笑罷斂蛾眉  
衣香知步近釧動覺行遲  
如何舞館樂翻見歌梁悲  
猶懸北窓幌未捲南軒帷  
寂寂空郊暮非復少年時

代舊姬有怨

一作邵陵  
王蕭綸

寧為萬里隔乍作死生離  
那堪眼前見故愛逐新移  
未展春花落遽被涼風吹  
怨黛舒還斂啼紅拭復垂  
誰能巧為賦黃金妾不貲

一作  
自資

夕出通波閣下觀妓

一云春  
夜看妓

蛾月漸成光燕姬戲小堂胡舞開春閣鈴盤出步廊起  
龍調節奏一作鼓却鳳點笙簧樹交臨舞席荷生夾妓航  
竹密無分影花疎有異香舉杯聊轉笑歡茲樂未央

去丹陽尹荊州二首

驟駕乘駟馬謁帝朝承明分符蒞閩越終然慙勵精闕

又

副君垂獎盼仁慈務且敦終朝陪北閣清夜侍西園降  
貴深知已寧思食甚思未嘗辭畫室誰忍去轅轅闕

示吏民

闕里尚撓謙厲鄉裁知足咨余再分陝少思宜寡欲霞  
出浦流紅苔生岸泉綠方知江漢士變為鄒魯俗

後臨荊州

擁旄去京縣褰帷辭未央弱冠復王役從容遊豈張不  
學胡威絹寧挂裴潛林所冀方留犢行當息飲羊戲蝶  
時飄粉風花乍落香高欄來蕙氣疎簾度晚光綺錢臨  
仄宇阿閣繞長廊

別荊州吏民

玉節居分陝金貂總上流  
麾軍時舉扇作賦且登樓  
年光徧原隰春色滿汀洲  
日華三翼舸風轉七星旂  
向解青絲纜將移丹桂舟

宮殿名詩

林間花欲然竹逕露初圓  
鬪雞東道上走馬北場

一作堂

邊合歡依暝卷葡萄向日鮮  
旗亭覓張放香車迎董賢  
定隔天淵水相思夜不眠

張氏成  
帝幸臣



縣名詩

長陵新市北鄭衛好容儀  
先過上蘭苑還牽高柳枝  
薄粧宜入鏡舒花堪照池  
蒲洲涵水色椒壁雜風吹  
此時方夜飲平臺傳羽卮

姓名詩

征人習水戰辛苦配戈船  
夜城隨偃月朝軍逐避年  
龍吟激水渡虹光入夜團  
濤來如陣起星上似烽然  
經時事南越還復討朝鮮

將軍名詩

虎旅皆成陣龍騎盡能踣鳴鞭俱破虜決勝往長榆細  
柳浮輕岸大樹繞栖烏樓船寫退鷁檣烏狎飛鳧度河  
還自許偏與功名俱

屋名詩

梁園氣色和斗酒共相過玉柱調新曲畫扇掩餘歌深  
潭影菱葉絕壁挂輕蘿木蓮恨花晚薔薇嫌刺多含恨  
戲芳節徐步待金波

車名詩

長壚帶江轉連甍映日分佳人坐椒屋接膝對蘭薰繞  
砌縈流水邊梁圖畫雲錦色懸珠衆衣香逸出羣日暮  
輕帷下黃金妾贈君

船名詩

天際浮雲飛三翼自相追池模白鷓舞檐知青雀歸華  
淵通轉塹伏檻跨相磯松澗流星影桂窻斜月暉思君  
此無極高樓淚染衣

歌曲名詩

樂府作  
金樂歌

啼鳥怨別偶曙鳥憶離家石闕題書字金燈飄落花東  
方曉星沒一作度西山晚日斜毅衫廻廣袖圍扇掩輕紗  
暫借青驄馬來送黃牛車

樂名詩

戍客恒山下常思衣錦歸况看春草歇還見雁南飛蠟  
燭凝花影重臺閉綺扉風吹竹葉袖綬綴流黃機詎信  
金城裏繁露曉霑衣

針穴名詩

金推五百里日晚唱歸來車轉承光殿步上通天臺  
釵臨曲池影扇拂玉堂梅先取中庭入罷逐步廊迴下關  
那早閉人迎已復開

龜兆名詩

土膏春氣生倡女協春情魚遊連北水鵲作遼東鳴折  
梅還挿鬢盞柱更移聲銀燭含朱火金鑪對寶笙百枝  
凝夕焰却月隱高城

獸名詩

豹韜求秘術虎略選良臣  
水涉黃牛浦山過白馬津  
推鋒上狐塞畫像入麒麟  
果下新花落桃枝芳樹春  
王孫及公子熊席復橫陳

鳥名詩

方舟去鳩鵲引欲相要晨  
鳧移去舸飛燕動歸撓  
雞人憐夜刻鳳女念吹簫  
雀釵照輕幌翠的繞纖腰  
復聞朱鷺曲鈺管雜迴潮

樹名詩

趙李競追隨，輕衫露弱枝。  
杏梁始東照，柘火未西馳。  
香因玉釧動，珮逐金衣移。  
柳葉生眉上，珠璫揺鬢垂。  
逢君桂枝馬車下，覓新知。

草名詩

胡王迎娉主，塗經蒯北遊。  
金錢買含笑，銀缸影梳頭。  
初控游龍馬，仍移卷栢舟。  
中江離思切，蓬鬢不堪秋。  
況度菖蒲海，落月似懸鉤。

相名詩

仙人賣玉杖乘鹿去山林浮杯度池曲摩鏡往河陰井  
內書銅板竈裏化黃金妻搖五明扇妾弄一絃琴暫遊  
忽千里中天那可尋

望江中月

影文苑英華作簡文帝今  
從藝文初學作元帝

澄江涵皓月水影若浮天風來如可泛流急不成圓秦  
鈎一作鏡斷復接和壁碎還聯紈依岸草斜挂逐行船  
即此春江上無俟百枝然



詠霧

曉霧晦階前垂珠帶葉邊五里浮長隰三晨暗遠天傍  
通似佳氣却望若飛煙踈簾還復密斷棟更疑連還思  
逢樂廣能令雲霧褰

春日

春還春節美春日春風過春心日日異春情處處多處  
處春芳動日日春禽變春意春已繁春人春不見不見  
懷春人徒望春光新春愁春自結春結詎能申欲道春

金史卷八十一  
卷八十一  
園趣復憶春時人  
春人竟何在  
空奩上  
春期獨念春花  
落還以惜春時

納涼

高春斜日下  
佳氣滿欄楹  
池紅早花落  
水綠晚苔生  
稀月稍上雲  
開河尚橫  
白鳥翻帷暗  
丹螢入帳明  
珠碁趨北閣  
玳席徙南榮  
金鋪掩夕扇  
玉壺傳夜聲

賦得涉江采芙蓉

樂府作吳均採蓮曲

江風當夏

一作夜

清桂檝

一作棹

逐流縈初疑  
京兆劍復似

漢冠名荷香帶風遠蓮影向根生葉捲珠難溜花舒紅  
易傾日暮鳧舟滿歸來度錦城

賦得蘭澤多芳草

春蘭本無艷春澤最歲蕤燕姬得夢罷尚書奏事歸臨  
池影入浪從風香拂衣當門已芬馥入室更芳菲蘭生

不擇迳十步豈難稀

英華辨證曰春蘭本無艷初學記作無絕按楚辭春蘭兮秋菊長無

絕兮終古則無絕字亦是

詠石榴

塗林未應發春暮轉相催然燈疑夜火連珠勝早梅西  
域移根至南方釀酒來葉翠如新剪花紅似故裁還憶  
河陽縣映水珊瑚開

看摘薔薇

倡女倦春閨迎風戲玉除近叢看影密隔樹望釵踈橫  
枝斜綰袖嫩葉下牽裾牆高舉不及花新摘未舒莫疑  
挿鬢少分人猶有餘

賦得竹

嶰谷管新抽淇園節復脩作龍還葛水為馬向并州柯  
亭臨絕澗桃枝夾細流冠學芙蓉勢一作花堪威鳳遊  
叩王若有獻張騫應拜侯


詠池中燭影

魚燈且滅燼鶴焰暫停輝自有銜龍燭青光入朱扉映  
水疑三燭翻池類九微入林如燐影度渚若螢飛河低  
扇月落霧上珠星稀章華終宴所飛蓋且相追

晚棲鳥

文苑英華  
作樂府

日暮連翩翼俱向上林棲風多前鳥駛雲暗後羣迷路  
遠聲難徹飛斜行未齊應從故鄉返幾過入蘭闥借問倡  
樓妾何如蕩子妻



古詩紀卷八十

欽定四庫全書

集部

古詩紀卷八十三

三

詳校官檢討臣德生

侍讀臣孫球覆勘

總校官知縣臣楊懋珩

校對官編修臣吳裕德

謄錄監生臣范光謙

欽定四庫全書

古詩紀卷八十一

明 馮惟訥 撰

梁第八

元帝 二

登江州百花亭懷荆楚

極目纔千里何由望楚津  
落花灑行路垂楊拂砌塵  
柳絮飄晴雪荷珠漾水銀  
試酌新春酒遙勸陽臺人

泛蕪湖



卷八十一  
桂潭連菊岸桃李暎成蹊石文如濯錦雲飛似散珪  
撓度菱根反船去荇枝低颿隨迎雨燕鼓逐伺潮雞

早發龍巢

詩彙作劉  
填者非

征人喜放溜曉發晨陽隈初言前浦合定覺近洲開不  
疑行舫動唯省遠樹來還瞻起漲岸稍隱陽雲臺

夜宿栢齋

燭暗行人靜簾開雲影入風細雨聲遲夜短更籌急能  
下班姬淚復使倡樓泣况此客遊人中宵空佇立

落日射雉

促宴引枚鄒中園觀獸侯日度朔陰廣風橫旗影浮移  
竿標入箭疊鼓送爭籌附枝時可息言從清夜遊

後園看騎馬

良馬出蘭池連翩驅桂枝鳴珂隨跼駛輕塵逐影移香  
來知驟近汗斂覺風吹遙望黃金絡懸識幽并兒

和劉上黃春日

新鶯隱葉囀新燕向窻飛柳絮時依酒梅花乍入衣玉

珂逐風度金鞍映日暉無令春色晚獨望行人歸

戲作艷詩

入堂值小婦出門逢故夫含辭未及吐絞袖且踟蹰  
茲扇似月掩此淚如珠今懷固無已故情今有餘

和林下作妓應令

和昭明

日斜下北閣高宴出南榮歌清隨澗響舞影向池生  
輕花亂粉色風篠雜絃聲獨念陽臺下願待洛川笙

閨怨

玉臺作蕭綸題云  
代秋胡婦閨怨

蕩子從游宦思妾守房櫳塵鏡朝朝掩寒衾夜夜空若  
非新有悅何事久西東知人相憶否淚盡夢啼中

祀伍相廟

石城寧足拒金陣詎能追楚關開六塞吳兵入九圍山  
水猶縈帶城池失是非空餘壽宮在日暮舞靈衣

詠風

英華作沈約今從藝文初學作元  
帝此下四首並似應令之作

樓上試朝粧風花下砌傍入鏡先飄粉翻衫好染香度  
舞飛長袖傳歌共繞梁欲因吹少女還持拂大王

詠霧

三晨生遠霧五里闔城闈從風疑細雨映日似遊塵乍  
若飛一作輕煙散時如佳氣新不妨鳴樹鳥時蔽摘花人

賦得蒲生我池中

池中種蒲葉葉影蔭池濱未好中宮薦行看隱士輪為  
書聊可截匹柳復宜春瑞葉生符苑鏤碧獻周人

詠陽雲樓簷柳

楊柳非花樹依樓自覺春枝邊通粉色葉裏映紅巾帶

日交簾影因吹掃，  
席塵拂簷應有意。  
偏宜桃李人。

五言詩

梁詞人麗句  
云梁世宗作

寒泥猶稽命，  
新都久未平。  
留滯淹三楚，  
嶺岿保一城。  
終當撫期運，  
伐罪弔蒼生。

晚景遊後園

高軒聊騁望，  
煥景入川梁。  
波橫一作山渡，  
影雨罷葉生。

光日移花色，  
異風散水紋。  
長闕

遊後園

暮春多淑氣，斜景落高春。日照池光淺，雲歸山望濃。入林迷曲逕，渡渚隔危峯。闕

古意

妾在成都縣，願作高唐雲。樽中石榴酒，機上葡萄紋。一作  
裙停梭還歛色，何時勸使君。

雜咏二首

秋夜

秋夜九重空，蕩子怨房櫳。燈光入綺帷，簾影穿屏風。金

徵調玉軫茲夜撫離鴻

寒閨

玉臺作  
寒宵

烏鵲夜南飛良人行未歸  
池水浮明月寒風送擣衣  
願織迴文錦因君寄武威

和彈箏人二首

和昭明

橫箏在故帷忽憶上絃時  
舊柱未移處銀帶手經持  
悔道啼將別教成今日悲

瓊柱動金絲奏聲發趙曲  
流徵含陽春美手過如玉



出江陵縣還二首

遊魚迎浪上  
雒雒向林飛  
遠村雲裏出  
遙船天際歸  
朝出屠羊縣  
夕返仲宣樓  
水滿還侵岸  
沙盡稍開流

詠歌

汗輕紅粉濕  
坐久翠眉愁  
傳聲入鐘磬  
餘轉雜笙篴  
贈到溉洽

梁書曰時以溉洽兄弟比之二陸故世祖贈詩曰

魏世重雙丁  
晉朝稱二陸  
何如今兩到  
復似凌寒竹

邈武陵王詩

南史曰武陵王紀稱帝於蜀起兵內伐元帝與之書許其還蜀專制岷方紀不從帝又遣之詩云云圓正者紀之子也紀借號帝下圓正於獄在獄連句云云帝覽詩而泣紀歎圓正號哭絕食而死

回首望荆門驚浪且雷奔四鳥嗟長別三聲悲夜猿

獄中連句

附

蕭圓正

水長二江急雲生三峽昏願赦淮南罪思報阜陵恩

別荆州吏民二首

寄言謝桀黠無乃氣干雲安知霸陵下復有李將軍

莫言江漢遠煙霞隔數千何必黃丞相重應臨潁川

細雨

風輕不動葉雨細未霑衣入樓如霧上拂馬似塵飛

望春詩

葉濃知柳密花盡覺梅疎蘭生未可握蒲小不堪書

綠柳

長條垂拂地輕花上逐風露疑染綠葉小未鄣空

詠梅

梅含今春樹還臨先日池人懷前歲憶花發故年枝

宜男草

可愛宜男草垂采映倡家何時如此葉結實復含花

細草

依堦疑綠蘚傍渚若青苔漫生雖欲遍人迹會應開

賦得春荻

翠荻玉池前遙映江南蓮非秋無有耗未燒不生煙

詠螢火

著人疑不熟集草訝無煙到來燈下暗翻徃雨中然

離合

沈寥雲初

一作物

淨水木備春光龕定方無遠合浦不難

航

後園作迴文詩

此詩藝文次王融迴文詩後然觀簡文諸人和詩知此詩為元

帝作藝文志誤耳今列於此

斜峰繞徑曲聳石帶山連花餘拂戲鳥樹密隱鳴蟬

賦得登山馬

簡文同賦

登山馬

一本疊逕  
小二字

逕小馬纔通汗赭疑沾勒衣香不逐

風何殊隴頭望遙識祁連東

古意詠燭

花中燭焰焰動簾風不見來人影迴光持向空

春別應令四首

和簡文  
以下七言

昆明夜月光如練上林朝花色如霰朝花夜月動春心  
誰忍相思不相見

門前楊柳亂如絲直置佳人不自持適言新作裂紈詩

誰悟今成織素辭

日暮徙倚渭橋西正見流月與雲齊若使月光無近遠

應照離人今暝

一作啼  
夜

試看機上交龍錦還瞻庭裡合歡枝映日通風影珠幔  
飄花拂葉度金池不聞離人當重合唯悲合罷會成離

別詩二首

別罷花枝不共攀別後書信不相關欲覓行人寄消息

衣

疑作  
依

常潮水暝應還

三月桃花合面脂五月新油好煎澤莫復臨時不寄  
謾道江中無估客

送西歸內人

南史曰元帝與廬陵王績相謗帝之臨荊州有  
人李桃兒者以才慧得進及還以李氏行時值亡  
戶禁重廬陵其狀以聞元帝泣對使訴於簡文  
文和之不得元帝猶懼送李氏還荊州世所謂  
歸內人者也

秋氣蒼茫結孟津復送巫山薦枕神昔時慊慊愁  
今日勞勞長別人



宴清言殿作栢梁體

玉衡七政轉璇璣

帝

升降端揆而才非

侍中尚書僕射臣哀

澄鏡

朱紫耿難追

吏部尚書臣穀

幽逼詩四首

五言

南史曰元帝避建鄴而都江陵外迫強敵內失和魏師至方徵兵四方未至而城見尅在幽逼臣酒飲之製詩四絕後為梁王詒所害

南風且絕唱西陵最可悲今日還蒿里終非封禪時

人生逢百六天道異貞恒何言異螻蟻一旦損鯤鵬

松風侵曉哀霜零當夜來寂寥千載後誰畏軒轅臺  
夜長無歲月安知秋與春原陵五樹杏空得動耕人

宣帝

諱咎字理孫昭明太子之第三子也幼好學善屬文尤長佛義普通中封岳陽王後除西中郎

將雍州刺史侯景作亂咎及其兄河東王譽構隙於元帝元帝攻殺譽咎遂臣於西魏求援時周文帝為相遣兵平江陵命咎主梁嗣資以江陵之地咎稱帝於其國年號大定在位八年終

建除詩

建國惟神業十世本靈長除苛逾漢祖後后類殷湯滿  
盈既虧度否運理還康平階今復覩德星行見祥定寇

資雄畧靜亂屬賢良執訊窮郢魯弔伐徧徐揚破敵勳  
庸盛佩紫且懷黃危苗既已竄妖沴亦云亡成功勒雲  
社治定理要荒收戟歸農器牧馬恣芻場開山接梯路  
架海擬山梁閉怨同彭老延壽等東皇

迎舍利

釋迦稱散體多寶號金軀白玉誠非比黃金良莫踰變  
見絕言象端異乃冥符靈知雖隱顯妙色豈榮枯唯當  
千劫後方成無價珠

麈尾

匣上生光影毫際起風流本持談妙理寧是用推牛

詠紙

皎白猶霜雪方正若布棊一作基宣情且記事寧同魚網

時

牀詩

衡山白玉鏤漢殿珊瑚支踞膝申久坐屢好為頻移

詠弓

虞人招不進繁氏久稱工已悲軒主跡復挹楚王風

詠履

雙見待聲宣並飛時表異處卑彌更妍常安豈悲陸

梨

大谷常流稱南荒本足珍綠葉已承露紫實復含津

百合

接葉有多種開花無異色含露或低垂從風時偃抑

蘭

折莖聊可佩入室自成芳  
開花不競節含秀委微霜

邵陵王綸

武帝第六子也聰穎博學尤長尺牘為穎州刺史侯景構逆加征討大都督率衆討

景不克死

代秋胡婦閨怨

藝文作元帝題云閨怨

蕩子從游宦思妾守房櫳  
塵鏡朝朝掩寒衾夜夜空若  
非新有悅何事久西東  
知人相憶否淚盡夢啼中

車中見美人

闕懷出眉眼軟媚著腰肢  
語笑能嬌媿行步絕逶迤  
空

金少府入... 卷八十一  
中自迷惑渠傍會不知懸念猶如此得時應若為

見姬人

春來不復賒入苑駐行車比來粧點異今世撥髮斜却  
扇承枝影舒衫受落花狂夫不妬妾隨意晚還家

入茅山尋桓清遠題壁

荆門丘壑多甕牖風雲入自非栖遁情誰堪霜露濕

詠新月

霜氛含月彩靄靄下南樓霧濃光若晝雲駛影疑流

和湘東王後園迴文詩

燭華臨靜夜香氣入重幃曲度聞歌遠繁絃覺舞遲

武陵王紀

字世詢一字大智武帝第八子也少勤學有文才屬辭不好輕華甚有骨氣天監中

封武陵郡王揚州刺史復益州刺史侯景亂紀不赴授借號於蜀改元天正明年衆潰為元帝將樊殺

猛所殺

同蕭長史看妓

初學記作劉孝

燕姬奏妙舞鄭女發清歌迴羞出曼臉送態入嚙蛾寧  
殊值行雨詎減見凌波想君愁日暮應羨魯陽戈



和湘東王夜夢應令

昨夜夢君歸賤妾下鳴機懸知意氣薄不著去時衣故  
言如夢裡賴得鴈書飛

曉色

藝文作簡文  
帝題云曉思

晨禽爭學囀朝花亂欲開鑪烟入斗帳屏風隱鏡臺紅  
粧隨淚盡蕩子何時迴

明君詞

一作昭  
君辭

塞外無春色邊城有風霜誰堪覽明鏡持許照紅妝

閨妾寄征人

歛色金星聚，縈悲玉筯流。  
願君看海氣，憶妾上高樓。

詠鵲

欲避新枝滑，還向故巢飛。  
今朝聽聲喜，家信必應歸。

南鄉侯推

安成王秀之子也。少清敏，好屬文。深為簡文所親賞，以王子封南鄉縣侯。歷淮南、晉

陵、吳郡太守。侯景之亂，守東府城，城陷死之。

賦得翠石應令

依峯形似鏡，構嶺勢如蓮。  
映林同綠柳，臨池亂百川。  
碧

苔終不落丹字本難傳有邁東明上來遊皆羽山

臨賀王正德

字公和臨川王宏子也武帝崩嗣未立養以為子及生昭明正德還本封西豐

縣侯正德心常怏怏普通三年奔魏魏不見禮逃歸武帝以復本封後進封臨賀王為丹陽尹為有司所糾去職乃與侯景同逆景誑立為帝尋矯詔殺之

詠竹火籠

南史曰正德奔魏初去之始為詩一絕內火籠中

楨幹屈曲盡蘭麝氛氲消欲知懷炭日正是履霜朝

上黃侯曄

梁始興王憺之子初封安陸侯美才仗氣言多激揚特被簡文友愛官至晉陵太守

奉和太子秋晚詩

副君乘暇景臨秋坐北宮杏梁照初月蓮池引夕風清  
暉洞藻井流香入綺攏鵲聲時徙樹螢光乍滅空涼氛  
散簟席露色變林叢

古詩紀卷八十一

欽定四庫全書

古詩紀卷八十二

明 馮惟訥 撰

梁第九

沈約

字休文吳興武康人家泰始中蔡興宗引為安西記室參軍入齊為太子家令累遷吏部郎出

為東陽太守明帝徵為五兵尚書及梁武受禪以佐命功除僕射歷尚書令侍中封建昌侯加特進

卒謚曰隱 詩品曰觀休文製五言最優詳其文體察其餘論固知其憲章絕明遠也所以不闕于

經綸而長于清怨永明相王愛文王元長等皆宗附之約於時謝朓未過江淹才盡范雲名級故微故約稱獨步雖文不至其工麗亦一時之選也見重閭里誦詠成音嶸謂約所著既多今剪除涇雜

收其精要允為中品之第矣  
故當詞家於范意淺於江也

樂府

日出東南隅行

以下  
五言

朝日出邯鄲照我叢臺端中有傾城艷顧景織羅紈延  
軀似織約遺視若回瀾瑤裝映層綺金服炫雕藥幸有  
同匡好西仕服秦官寶劍垂玉貝汗馬飾金鞍縈場類  
轉雪逸控寫一作騰鸞羅衣夕解帶玉釵暮垂冠

昭君辭

朝發披香殿夕濟汾陰河於茲懷九逝自此歛雙蛾沾  
妝疑湛露繞臆狀沅波日見奔沙起稍覺轉蓬多胡風  
犯肌骨非直傷綺羅銜涕試南望關山鬱嵯峨始作陽  
春曲終成苦寒歌唯有三五夜明月暫經過

長歌行

連連舟壑改微微市朝變來功嗣往迹莫武祖升彥局  
塗頓遠策留懼恨奔箭拊戚狀驚瀾循休擬回電歲去  
芳願違年來苦心薦春貌既移紅秋林豈停舊一倍茂



陵道寧思栢梁宴長戢兔園情永別金華殿聲徽無惑  
簡丹青有餘絢幽籥且未調無使長歌倦

同前

春隰萸綠柳寒墀積皓雪依依徃紀盈霏霏來思結思  
結纏歲宴曾是掩初節初節曾不掩浮榮逐弦缺弦缺  
更圓合浮榮永沈滅色隨夏蓮變態與秋霜耄道迫無  
異期賢愚有同絕銜恨豈云忘天道無甄別功名識所  
職竹帛尋摧裂生外苟難尋坐為長歎設

君子行

良御惑燕楚妙察亂澠淄隄傾由漏壤垣隙自危基  
翬途或妄踐黨議勿輕持

從軍行

惜哉征夫子憂恨良獨多浮天出鯤海東馬渡交河  
雪縈九折嶮風卷萬里波維舟無夕島秣驥乏平莎  
凌濤富驚沫援木闕垂蘿江颶鳴壘嶼流雲照層阿  
玄埃晦朔馬白日照吳戈寢興動征怨寤寐起還歌  
晨裝豈輟

警言夕壘詎淹和苦哉遠征人悲矣將如何

豫章行

燕陵平而遠易河清且駛一見塵波阻臨途引征思雙  
劍愛匣同孤鸞悲影異宴言誠易纂清歌信難嗣卧聞  
夕鍾急坐閱朝光亟往歡陸壯心來戚滿衰志徂芳無  
再馥淪灰定還熾夏臺尚可忘榮辱亦奚事愧微曠士  
節徒感鄙生餌勞哉納辰和地遠託聲寄

相逢狹路間

相逢洛陽道繫聲流水車路逢輕薄子佇立問君家君  
家誠易知易知復易憶龍馬滿街衢飛蓋交門側天子  
萬戶侯中子飛而食小子始從官朝夕溫省直三子俱  
入門赫奕多羽翼若若青組紆煙煙金鐺色大婦逸梁  
歌中婦迴文織小婦獨無事閉門聊且即綠綺試一彈  
玄鶴方鼓翼

長安有狹斜行

青槐金陵陌丹轂貴遊士方驂萬乘臣炫服千金子咸

陽不足稱臨淄孰能擬

三婦豔

大婦掃玉墀中婦結羅帷小婦獨無事對鏡畫蛾眉良  
人且安卧夜長方自私

江籬生幽渚

一作塘  
上行

澤蘭被荒徑孤芳豈自通幸逢瑤池曠得與金芝叢朝  
承紫臺露夕潤綠池風既美脩嫫女復悅繁華童夙昔  
玉霜滿日暮翠條空葉飄儲脊右芳歇露寒東紀化尚

盈昴俗志信頽隆財殫交易絕華落愛難終所惜改驩  
眄豈恨逐征蓬願回昭陽景持照長門宮

却出東西門行

驅馬城西阿遙眺想京闕望極煙原盡地遠山河沒搖  
裝非短晨還歌豈明發脩服悵邊羈瞻途耿鄉謁馳蓋  
轉徂龍回星引奔月樂去哀鏡

疑作境

滿悲來壯心歇歲

華委徂貌年霜移暮髮晨物久侵晏

一作尋

征思坐淪越

清氛掩行夢憂原盪瀛渤一念起闕山千里顧丘窟

飲馬長城窟

介馬渡龍堆塗縈馬屢迴前訪昌海驛兵燹入輪臺旌  
幕卷煙雨徒御犯冰埃闕

青青河畔草

漠漠牀上塵心中憶故人故人不可憶中夜長嘆息歎  
息想容儀不言長別離別離稍已久空牀寄杯酒

梁甫吟

龍駕有馳策日御無停陰星籥亟迴變氣化坐盈侵寒

光稍耿耿秋塞

一作色

日沈沈高窓反餘火

火大火心星也

傾河

駕騰參飈風折暮草驚籜

一作竿

霄層林時雲

集作雨

靄空

遠淵水結清深奔樞

一作驅

豈易紐

一作任

珠庭不可臨懷

仁每多意履順孰能禁露清一唯促緩志且移心哀歌

步梁甫歎絕有遺音

### 君子有所思行

晨策終南首顧望咸陽川戚里朔層闕甲館負崇軒複  
塗希紫閣重臺擬望仙巴姬幽蘭奏鄭女陽春絃共矜



紅顏日俱忘白髮年寂寥茂陵宅照曜未央蟬無以五  
鼎盛顧嗤三經玄

白馬篇

白馬紫金鞍停鑣過上蘭寄言狹斜子詎知隴道難赤  
坂途三折龍堆路九盤水生肌裏冷風起骨中寒功名  
志所急日暮不遑飡長驅入右地輕舉出樓蘭直去已  
垂涕寧可望長安匪期定遠封無羨輕車官唯見恩義  
重豈覺衣裳單本持軀命答幸遇身名完

齊謳行

東秦稱右地，川隰固夷袒。  
層峯駕蒼雲，濁河流素壤。  
青丘良杳鬱，雪宮信踈敞。  
王佐改殷命，霸功繆周綱。  
闕

前緩聲歌

羽人廣宵宴，帳集瑤池東。  
開霞泛彩靄，澄霧迎香風。  
龍駕出黃苑，帝服起河宮。  
九疑輔煙雨，三山馭螭鴻。  
玉鑾乃排月，瑤輶信凌空。  
神行燭玄漠，帝旆委曾虹。  
蕭歌美羸女，笙吹悅姬童。  
瓊漿且未洽，羽轡已騰空。  
息鳳曾城

曲滅景清都中隆祐集皇代委祚溢華嵩

芳樹

以下二首附謝朓集題云同  
沈右率諸公賦鼓吹曲名

發萼九華隈開跗寒露側氤氳非一香參差多異色宿  
昔寒飈舉推殘不可識霜雪交橫至對之長歎息

臨高臺

高臺不可望望遠使人愁連山無斷絕河水復悠悠所  
思竟何在洛陽南陌頭可望不可見何用解人憂

洛陽道

洛陽大道中佳麗實無比  
燕裙傍日開趙帶隨風靡  
領上蒲萄繡腰中合歡綺  
佳人殊未來薄暮空徙倚

### 江南曲

擢歌發江潭采蓮渡湘南  
宜一作莫須間隱處舟浦子自

諳羅衣織成帶墮馬碧玉簪  
但令舟楫渡寧計路蘄嵌

一作嵌嵌

### 東武吟行

天德深且曠人世賤而浮  
東枝纔拂景西壑已停輶  
逝

辭金門寵去飲玉池流霄轡一永矣俗累從此休

怨歌行

時屯寧易犯俗險信難羣坎壈元淑賦頓挫敬通文遽  
淪班姬寵夙寔賈生墳短俗同如此長歎何足云

悲哉行

旅遊媚年春年春媚遊人徐光旦垂彩和露曉凝津時  
嚶起稚葉蕙氣動初蘋一朝阻舊國萬里隔良辰

雜曲三首

攜手曲

捨轡下雕輅  
更衣捧玉牀  
斜簪映秋水  
開鏡比春粧  
所畏紅顏促  
君恩不可長  
鷄冠且容裔  
豈吝桂枝亡

有所思

西征登隴首  
東望不見家  
闌樹抽紫葉  
塞草發青芽  
昆明當欲滿  
蒲萄應作花  
垂淚對漢使  
因書寄狹斜

夜夜曲 二首

河漢縱且橫  
北斗橫復直  
星漢空如此  
寧知心有憶  
孤

金少府入心  
卷八十二  
燈暖不明寒機曉猶織零淚向誰道雞鳴徒歎息

北斗闌干去夜夜心獨傷月輝橫射枕燈光半隱牀

釣竿

桂舟既容與綠浦復回紆輕絲動弱芰微楫起單鳧扣  
舫忘日暮卒歲以為娛

臨碣石

碣石送返潮登岸禮朝日溟漲無端倪山島玄崇崒  
老心未窮酬恩豈終畢

湘夫人

瀟湘風已息沅澧復安流揚蛾一含睇嫵媚好且脩指  
玦置澧浦解珮寄中洲

貞女引

貞女信無矯傍隣也見疑輕生本非惜賤軀良足悲傳  
芳託嘉樹弦歌寄好詞

襄陽蹋銅蹄歌三首

一云白  
銅鞮歌

分手桃林岸送別峴山頭若欲寄音信漢水向東流



生長宛水上從事襄陽城一朝遇神武奮翼起先鳴  
蹠蹌飛塵起左右自生光男兒得富貴何必在歸鄉

永明樂

聯翩貴遊子侈靡千金客華轂起飛塵珠履竟長陌

江南弄四首

以下  
雜言

趙瑟曲

文苑英華作元帝  
今從樂府作沈約

邯鄲竒弄出文梓縈絃急調切流徵玄鶴徘徊白雲起  
白雲起鬱披香離復合曲未央

秦箏曲

羅袖飄纜拂雕桐促柱高張散輕宮迎歌度舞過歸風  
過歸風止流月壽萬春歡無歇

陽春曲

楊柳垂地鶯差池緘情忍思落容儀弦傷曲怨心自知  
心自知人不見動羅裙拂珠殿

朝雲曲

陽臺氤氳多異色巫山高高上無極雲來雲去常不息

常不息夢來遊極萬世度千秋

樂未央

億舜日萬堯年詠湛露歌採蓮願雜百和氣宛轉金鑪

前

四時白紵歌五首 七言

古今樂錄曰沈約云白紵五章勅臣約造武帝造後兩句

春白紵

蘭葉參差桃半紅飛芳舞縠戲春風如嬌如怨狀不同

含笑流眄滿堂中  
翡翠羣飛飛不息  
願在雲間長比翼  
佩服瑤草駐容色  
舜日堯年歡無極

夏白紵

英華作梁武帝今  
從樂府作沈約

朱光灼爍照佳人  
含情送意遂相親  
嫣然一作宛轉亂  
心神非予之故欲  
誰因翡翠羣飛飛  
不息願在雲間長  
比翼佩服瑤草駐  
容色舜日堯年歡  
無極

秋白紵

白露欲凝草已黃  
金瑄玉柱響洞房  
雙心一意俱徊翔

吐情寄君君莫忘翡翠羣飛飛不息願在雲間長比翼  
佩服瑤草駐容色舜日堯年歡無極

冬白紵

寒閨畫密羅幌垂婉容麗色心相知雙去雙還誓不移  
長袖拂面為君施翡翠羣飛飛不息願在雲間長比翼  
佩服瑤草駐容色舜日堯年歡無極

夜白紵

秦箏齊瑟燕趙女一朝得意心相許明月如規方襲子

夜長未央歌白紵翡翠羣飛飛不息願在雲間長比翼  
佩服瑤草駐容色舜日堯年歡無極

古詩紀卷八十二